

FPP

BizNewz

January - May 2024

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

USEFUL
INFORMATION
IN CHOOSING
ROBO-ADVISORY

Muscle

Memory!

Bunga Raya,
BUKAN BUNGA BIASA.

Gold

SECRET
OF DARTS

SAVING: 999 @ 916

AKU, DIA
NICU

SIRI 8



Publication Date
1 June 2024

Sinergi yang baik amat penting untuk diterapkan dalam kalangan pelajar. Antara usaha yang dilaksanakan oleh Bahagian Hal Ehwal Pelajar (HEP) UiTM Cawangan Terengganu adalah dengan meletakkan syarat pelaksanaan projek Colour Run – Paint the Sky perlu melibatkan kolaborasi antara kelab. Projek Colour Run – Paint the Sky telah dikendalikan oleh ahli jawatankuasa gabungan daripada empat kelab iaitu, Operations Management Society (OPEMS), Office Management Student Association (OMSA), Jawatankuasa Perwakilan Non Resident dan D Hoteliers. Jawatankuasa Penganjur telah merancang dan merealisasikan projek ini dengan sangat berjaya pada 25 November 2023 bertempat di Stadium Gemilang, UiTM Cawangan Terengganu Kampus Dungun (UiTMCTKD).

Objektif program Colour Run: Paint the Sky adalah:

1. Menyatukan kelab-kelab yang terlibat dengan bekerjasama dalam menyumbang buah fikiran.
2. Merapatkan ukhuwah antara peserta-peserta yang terlibat dengan menyalurkan semangat kerjasama secara berkumpulan.
3. Meningkatkan stamina dan kecerdasan pelajar sambil berseronok dengan aktiviti yang diadakan sewaktu program dijalankan.
4. Memberi pelajar ruang untuk melepaskan tekanan.

Perancangan program termasuk pemilihan tarikh program adalah sangat mencabar kerana semester Oktober 2023 hingga Mac 2024 berada dalam fasa musim tengkujuh. Jawatankuasa penganjur terpaksa menetapkan tarikh program pada bulan November setelah meneliti tarikh bagi projek-projek kelab yang lain. Memahami hari-hari dalam bulan November adalah hari hujan. Jawatankuasa Penganjur bijak menambahkan perancangan projek dengan menyediakan set baju hujan bagi setiap peserta dan penganjur. Kreativiti dan sinergi jawatankuasa penganjur dalam menilai, menganalisa dan membuat keputusan berkaitan isu-isu yang timbul turut dibantu oleh para penasihat.

Kejayaan projek yang terbuka kepada semua pelajar ini dapat dilihat melalui penyertaan yang diterima daripada 520 peserta yang terdiri daripada pelajar dan juga staf UiTMCTKD. Walaupun projek berlangsung pada hari hujan, komitmen peserta jawatankuasa penganjur dan para penasihat kelab amat luar biasa. Pendapatan daripada projek ini adalah RM2613.87 dan telah dibahagikan sama rata antara empat kelab yang terlibat.

Penganjuran projek seperti ini dapat memberi nilai tambah kepada jawatankuasa penganjur melalui pengalaman dan kemahiran dalam aspek kolaborasi, komunikasi, perancangan, pelaksanaan, pengendalian masalah dan konflik, membuat keputusan dan penyediaan laporan projek serta laporan kewangan yang komprehensif. Semoga pelajar UiTM khususnya UiTMCTKD akan terus cemerlang dari aspek akademik dan bukan akademik bagi melahirkan modal insan yang berkualiti dan seimbang.

PROGRAM 'PAINT THE SKY'



Tajul Fitri Mohd Diah, Fakulti Pengurusan Hotel dan Pelancongan
Universiti Teknologi MARA Cawangan Terengganu

An-Nurizzati Mohamad, Jabatan Perwakilan Non Resident, Bahagian Hal Ehwal Pelajar
Universiti Teknologi MARA Cawangan Terengganu

Nur Shafini Mohd Said, Nurmuslimah Kamilah Abdullah, Nurul Syahirah Saidon & Fatin Nurqistina Hasbuddin
Fakulti Pengurusan dan Perniagaan, Universiti Teknologi MARA Cawangan Terengganu



BizNewz 2024
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com